



RANDRIANARISOA ALAIN
SIHOTSY MANDALA
0331461377
ralayrand@yahoo.fr

IZANY KA LOHAN-TSOKAJY



1- FAMPIDIRANA

Raha vao mandeha eny an-dalana fotsiny ny skoto dia efa fantatry ny olona sahady hoe izany ka tena skoto. Raha jerena amin'ny endrika ivelany aloha dia hita avy hatrany amin'ny fanamiana anovanany miaraka amin'ny pataloha ambony lohalika izay mitoro fahavonona sahady. Hita amin'ny endriny ny endrika falifaly sy miramirana. Ary hita amin'ny toetrany ilay izy tia manampy ny hafa. Ao koa ireo mariky ny ambaratonga sy talenta izay hanany mandravaka ny akanjony. Tsy entiny fotsiny anefa ireny fa hanehoana fa azo ilaina izy amin'ny fotoana rehetra sy amin'ny toerana rehetra sy amin'ny sehatra rehetra.

Dia fantatry ny olona avy hatrany hoe izany ka tena skoto.

Ny tanjon'ny skotisma manko dia hanova ireo zatovo tsotra, tsy manara-dalàna, ary tsy ampy fahalalana ary osa sy tsy manam-pahasaina ho tonga tena skoto.

Ny tanjon'ny skotisma dia tsy ny hahatonga ireo zatovo hanao fanamiana fotsiny, nefa mbola hanohy ny fahazaran-dratsiny tany aloha. Fa izy indray no tonga ho ohatra velona eo anivon'ny fiaraha-monina misy azy

Tsy tongatonga ho azy amin'izao anefa izany fiovana izany fa tsy maintsy eo no miditra ny fanabeazana skoto. Manana andraikitra lehibe amin'ny fitarihana ireo zatovo namany amin'izany ny lohan-tsokajy. Ka mila manana lohan-tsokajy tsara hofana mba hahafahana miatrika izany.

Ireto ary ny zavatra izay tokony ho fantatry ny lohan-tsokajy eo am-panefana ireo adidy sy andraikitra ireo :

Ny lohan-tsokajy (LS)

Ny fanahin-tsokajy (Esprit de patrouille)

Filan-kevitry ny antoko (FKA°)

Filan-kevitry ny sokajy (FKS)

Fivoriant-tsokajy (réunion de patrouille)

Fanamiana

Ny fanazaran-tena (exercice pratique)

Ireto no farafahakely tokony ho fantatry ny lohan-tsokajy amin'ny fanofanana azy.

2- NY LOHAN-TSOKAJY

Ny lohan-tsokajy dia anisan'ireo mpiandraikitra eo anivon'ny antoko. Manana ny fahaiza-mitarika ny hafa. Izany anefa tsy dia amin'ny endrika fanomezana baiko fotsiny toy ny an'ny miaramila fa amin'ny ohatra omeny sy ny toe-tsaina asehony an'ireo namany. Mahay mametraka ny tombontsoa ambonin'ny sokajy mihoatra ny an'ny tenany.

Mandritra ny filan-kevitra ny antoko (FKA), dia miezaka izy mba hizara ny traikefa ananany sy mizara ny hevitra ny mpiray sokajy aminy mba ho fampandehanana ny antoko.

Ny LS no lohalaharana eo anivon'ny sokajy, ary mitarika ny sokajiny hiroso hatrany amin'ny sahanasan'ny sokajy. Tahaka ny tily rehetra dia tsy mitrahatra mihofana sy manofan-tena izy. Azo hireharehan'ny mpiray sokajy aminy. Ny LS no lohalaharana amin'ny fananana toe-tsaina skoto, ohatra velona amin'ny fanajana ny tena sy hafa ary ny lalàna tily.



Ny LS dia lohalaharana amin'ny teknika skoto ary mahay mialoha mihoatra amin'ireo namany. Izany teknika izany dia efa notrandrahany mialoha tamin'ireo namany LS na tamin'ireo boky sy tahirin-kevitra maro samihafa. Tsy ny mahay teknika skoto fotsiny no tanjona fa ny fahaizana miaina izany amin'ny fiainana andavanandro.

Tsy irery anefa ny LS amin'ny fanatanterahana ny asany , fa ao ny Solon-dohan-tsokajy izay mpiara-miasa akaiky aminy. Ny SLS dia tsy hoe laharana faharoa fotsiny eo anivon'ny sokajy fa anisan'ny manampy betsaka amin'ny fampandehanana ny sokajy. Misolo ny LS raha misy tsy maha-eo azy. Ireo boaikely roa ireo miaraka no miantoka ny fampandrosoana ny sokajy. Izy roa lahy no manomana ny fivoriana-tsokajy, filan-kevitra ny sokajy, ny fandaharan'ny sokajy. Ny tena tsara dia ny LS no mifidy izay SLS ary nandalo ny hevitra ny filan-kevitra ny antoko.

2-1 Ny maha-lohan-tsokajy ny lohan-tsokajy :

- 1- Fahaizana manokana
- 2- Finoana sy idealy
- 3- Fahaiza-mifehy tena
- 4- Fitsipi-pitondran-tena
- 5- Toe-tsaina mahay manakatra ny manjo ny hafa
- 6- Entitra sy matotra
- 7- Tsy miangatra
- 8- Mahay mifandray amin'olona rehetra
- 9- Ohatra velona
- 10- Miahy

Fahaizana manokana : Tsy tapi-pahaizana amin'ny fahalalana akory ny LS fa miezaka kosa hahay zavatra maro. Misy manko ireo efa nomen'Andriamanitra talenta manokana amin'ny zavatra iray, misy kosa ireo fahalalana azo rantovina. Ny LS dia manana fahaizana manokana amin'ny lafiny teknika izay ampianariny ny mpiray sokajy aminy. Izany dia vokatry ny famenoana ny banga tamin'ny fanofanan-tena izay nataony ho

fampandrosoana ny mpiray sokajy aminy. Tsarovy fa izay tsy nanao fahadisoana mihitsy no tsy mba nanao zavatra mihitsy.

Finoana sy idealy : Ny fahavitan'ny zavatra iray dia ny fanana finoana fa ho tanteraka izany. Ny LS manatanteraka zavatra iray dia mino ny zavatra nataony sy Hataony,

Mahay mametraka ny idealiny ary izany dia tanterahana amin'ny fibanjinana mandrakariva ny lalàna tily. Ny tanjona dia ny famolavolana ny mpiray sokajy ho tonga skoto. Ny idealy dia tahaka ny voninkazo iray maniry eo an-tampon-tendrombohitra ka izay mijanona eo antenatenany dia tsy hahazo azy mandrakizay.

Fahaiza-mifehy tena : Raha te-hahay hibaiko ny hafa ny LS dia tokony hahay hibaiko tena.

Fitsipi-pitondran-tena : Fananana fitsipika anaty sy ivelan'ny sokajy dia antoka iray hananana fitsipi-pitondran-tena mendrika tsy ho an'ny LS ihany fa ho an'ny mpiray sokajy koa.

Toe-tsaina mahay manakatra ny manjo ny hafa : Raha misy olona miseho azy ho mafy be dia raiso amin'ny fahalemeny izy, raha misy kosa miseho azy malemy dia raiso amin'ny fahamafisany izy. Ny tena tiana ho lazaina dia ny fahaizana manakatra ny manjo ireo naman'ise. Izay tsy hainy ambara na lazaina. Na dia tsy ray aman-dreny aza ise ao anaty sokajy dia tsarovy fa mila fitiavana koa ireo mpiray sokajy amin'ise ireo. Ho hitan'ise fa ho hain'ny mpiray sokajy ho azy ny manaja sy manome hasina an'ise.

Entitra sy matotra : Ny dikan'ny hoe mibaiko dia mahahira-tena, Ny tily tsirairay ao anaty sokajy dia tsy hirakiraky ny LS akory, fa miara-miasa kosa hanatratra ny idealy iombonana. Ny boaikely naman'ise dia mila mpitarika ary mila namana mahatsapa ny manahirana sy ny hetahetany. Ny LS dia mila fahefana eo am-panatanterahana ny asany. Tsy tadiavina anefa izany fa tonga ho azy raha hainy ny maka ny fon'ireo namany.

Tsy miangatra : Ny tsy fanaovana ny rariny, ny hitsiny, ny marina dia mitarika ho azy amin'ny fahaverazam-pahefana. Tsy maintsy mila mitandrina ny LS amin'ny fanindraindrana namana iray na roa ao anaty sokajy. Fa izany dia mety ho singam-bolo handavo ny sokajy iray manontolo. Tsarovy fa ny boaikely dia mitady mandrakariva ny marina, ny rariny, ny hitsiny.

Mahay mifandray amin'ny olona rehetra : Vokatry ny fifampikasoana tamin'ireo namany matetika dia ho hain'ny LS ny mifandray amin'izy ireo. Mila famolahan-tena sy fahalalana bebe kokoa hatrany ny toetoetran'ireo namana izany.

Ohatra velona : Tandremo fa izay lazain'ny vava dia mety azo hamaritana ny maha izy ny tena. Ny teny atao manko dia natao ho fampietritretana, fa ny asa atao rehetra kosa natao hitsarana. Ireo tily naman'ise dia mila ohatra omena ka ise LS no lohalarana amin'izany.

Miahy : Tsy mandehandeha ho azy amin'izao ankory ny fiainan-tsokajy. Fa mila fandaminana sy fihahiana. Izany dia tanterahina ao anatin'ny filan-kevitra ny sokajy (FKS) ka ny SLS no manampy azy betsaka amin'izany.

2-2 Ireo toetra 10 fakan-tahaka ho an'ny LS

1- Tongava mialoha amin'ny fivorina ary aza miandry izay tara lava fa tonga dia atombohy ny fivoriana ary miala farany amin'ny toeram-pivoriana miaraka amin'ny SLS.

2- Isaky ny fivoriana dia mitondrà hevi-baovao hatrany, na amin'ny endrika anatin'ny, na amin'ny endrika ivelany.

3- Tsy mibaiko fa mitarika, Aza miteny hoe « Atao ity » fa hoe « Ndao hataontsika ito »

4– Aseho fa ilaina izay rehetra ampianarina.

5– Fintino ny fivoriana, manokàna koa fotoana hahafahana milalao sy manao sahan'asa hafa, mba hamenoana ny fotoana banga.

6– Ataovy ankalamanjana araka izay azo atao ny fivoriana satria ny skotisma dia miaina ao anaty natiora, fa tsy voagejan'ny rindrin'efatry ny toeram-pivoriana.

7– Farafaratsiny mba misy lalao na manala azy isaky ny mandeha.

8– Avelao ho an'ireo manan-talenta ny fampianarana ny teknika nefa harao maso izy amin'ny fahaiza-manaony.

9– Raha te-hahomby dia ataovy ao anaty lalao ny zavatra rehetra : maorsa, vona, vonjy taitra ... ary rehefa hanomboka lalao dia asio tantara kely aloha.

10– Raha matoritory izy ireo, dia fohazy amin'ny hika, hira, fanentanana

2-3 Ny tsiambaratelo 10 ho an'ny LS

1- Manana vahaolana amin'ny trangan-javatra iray mitovy.

2– Avadiho impito aloha ny lela vao miteny. Ary mandinika sy mitsakotsako tsara ny zavatra hotenenina.

3– Raha variana amin'ny fihetsika sy ny ataon'ise ny boaikely naman'ise, dia ise no tena marika velona ho fakany tahaka.

4– Raha nanao fahadisoana ise, dia lazao!

5– Manoloana ny zavatra sarotra dia tsy misy afatsy ny miroso amin'ny dingana hatrany.

6– Tsy misy afatsy roa ihany no tranga mahazo ny aty fanahy, na izy mitarika, na izy tarihina.

7– Manàna fanahy mendrika, fanahy tsara ombam-pahasoavana sy fahamasinana

8– Raha tsy mandeha ny sokajy, ny iray am-pahaefany dia zavatra hafa, fa ny telo ampahaefany dia avy amin'ny LS.

9– Fa ny tena LS dia izay mitady zavatra hahasoa ny namany mandrakariva

10– Ny LS dia mahafehy tena no sady mpanompon'ireo namany.

2-4 Ny andraikity ny LS

Ny LS dia tsy hahavita na inona na inona raha toa ka :

- Manapa-kevitra samy irery ny zavatra atao
- Maniraka fotsiny ny namany hanao zavatra iray
- Nihaino fotsiny ny antony, fa sady tsy nanatanteraka ny zavatra natao, na nanao ihany fa tratra aoriana be, na nanilika izany amin'ny hafa.
- Mametram-panontaniana fotsiny mba hanamarinana fa vita ilay zavatra.
- Mitady ny hirika rehetra fotsiny hijerena ny tsy mety
- Mihaino fotsiny ny fialan-tsinin'ireo namana izay hita fa mety hahavita.
- Mionona fotsiny amin'ny fametraham-panontaniana sy manamarika fa vita tsara ity asa ity.
- Mitazam-potsiny izay nahavita fa ratsy.
- Mamaritra fotsiny hoe ahoana no tokony hanaovana azy

Izany ka lohan-tsokajy

- Manao ihany fa zara fa vita, dia milaza fa nahavita, ny tsaratsara kokoa ho azy dia mijery ny zavatra tsy vita ka mijanona amin'ny teo ihany.
- Mitady ny hirika rehetra mba hanalana ny skoto izay toa nanao fahadisoana.
- Variana milaza fotsiny fa tena nitondra zava-dehibe ho azy ny skotisma nefa raha dinihina lalina dia tsy nanana fahombiazana mihitsy izy, na ratsy mihitsy.
- Mipetraka manjombon-dava, raha misy zavatra tokony ho vita ao anatin'ny roam-polo minitra nefa tsy vita raha tsy afaka roa andro na roa herinandro mihitsy aza ary manome tsiny ny hafa fotsiny.




3- NY FANAHIN-TSOKAJY

Ny sokajy dia tahaka ny ankohonana iray. Ny tsirairay dia samy mendrika fa tena ilaina ao anaty sokajy. Raha vao vita fanekena ny boaikely iray dia efa tafiditra tanteraka ao anaty sokajy. Tsy boaikely tsotsotra fotsiny ny skoto fa tena manana ny maha izy azy, izany no mahatonga azy hanana anaran-tsokajy anaram-biby, raha voromahery izy dia miaina toy ny voromahery ary mihevitra toy ny voromahery, misaina toy ny voromahery..., ary manana ny tarigetrandy.

Mba hampifamatotra tsara ny tsirairay ao anaty sokajy dia tsy maintsy manana fifandraisana mafy. Tsy maintsy mahatsiaro ny tsirairay fa tena ilaina ao anaty sokajy ao, anisan'ny kodiarana iray mampiodina ny sokajy. Ny anjaran'ny sokajy dia manatanteraka ny tanjony izay nampetraka.

Mba hampivelarana izany fanahin-tsokajy izany dia misy fomba maro izay ho hitan'ise ao amin'ny loha hevitra hoe : fanazaran-tena.



Ny fanahin-tsokajy :

Ny manamboatra ny ain'ny sokajy.

Ny mahatonga azy ho tsy mitovy amin'ny sokajy hafa.

Ny mahatonga ny sokajy sasany hitsiriritra ny sokajin'ny tena.

Ny mahatonga ny tsirairay ao anatin'ny sokajy ho mirehareha amin'ny sokajiny.

Ny mahatonga azy ho sambatra ao anatin'ny sokajy, ary ho faly fa tena skoto

Ny mahatonga azy ho faly sy manan-javatra ho tantaraina rehefa avy milasy.

4- FKA (FILAN-KEVITRY NY ANTOKO)

Mety alaim-panahy avy hatrany isika ka raha vao mahare ny teny hoe filan-kevitra dia toa mahita sary an-tsaina avy hatrany hoe misy raharaham-pitsarana ao izany. Toy ireny hita any am-pianarana sy any amin'ny fitsarana any amin'ny miaramila. Ny tena ilana ny FKA dia sehatra iray afahana mifanabe.

4-1 Ara-tantara

Tany am-boalohany dia fitanan-kaja (cours d'honneur) no tena nahafantarana azy. Ary taty aoriana dia niova ho filan-kevitra ny sefo (conseil des chefs). Natao ny filan-kevitra mba entina hanomezana valisoa ireo skoto mendrika ary entina hanasaziana ireo skoto hita fa nihoa-pefy na tsy nitana ny teny nomeny. Nandritra ny ady lehibe voalohany ny taona 1914 – 1918 dia lasa tany am-bava ady ny ankabeazan'ny mpiandraikitra skoto. Ny filan-kevitra ny antoko izany no sisa nahafahana nampandeha ny antoko ka izay zokiny indrindra tamin'ny lohan-tsokajy no nitarika izany ary nanendry LS iray ho mpitantsoratra. Ary hita fa nahomby tokoa izany fomba fitantanana izany. Nanomboka teo ny ny FKA no rafitra fara-tampony amin'ny fitantanana ny antoko. Noho izany, na misy mpiandraikitra na tsy misy mpiandraikitra dia tokony handeha ny raharahan'antoko raha mbola mijoro ny lohan-tsokajy.

4-2 Fomba fiasa :

Ny filan-kevitra ny antoko dia tsara raha atao indray mandeha isam-bolana farafahakeliny. Nefa amporisihina indrindra ny antoko mba hanao izany isan-kerinandro izany dia mba hahafana manatanteraka ny fivoriant-tsokajy isan-kerinandro. Ao anatin'ny filan-kevitra ny antoko no handihina ny fomba hampandehanana ny antoko na lasy na fisindana, ny fivoahana an-tsaha, atrikasa ary hanombanana ny ankizy beazina tsirairay . Izay hoe efa tokony ho vita fafana (tableau) dia ny mialoha izany rehetra izany mba hanamorana ny fomba fiasa.

4-3 Ny asa sy ny andraikiny (rôles et fonction) :

Ny filan-kevitra ny antoko no manendry ny Lohan-tsokajy sy Solon-dohan-tsokajy rehefa avy nandalo ny filan-kevitra ny sokajy. Manomana sy mikarakara ny firosan'ny ankizy zazavao hanao fanekena na manemotra izany raha hita fa mbola tsy ampy ny fepetra ilaina. Marihina anefa fa tsy azon'ny filan-kevitra ny antoko atao ny misakana ny ankizy tsy hanao fanekena ny manemotra no azo atao ary izany dia tsy maintsy arahina fanazavana ho an'ilay mpikambana ny antony. Ao anatin'ny filan-kevitra ny antoko koa no hanapahana ny fanomezana ambaratonga na talenta ho an'ny mpikambana iray .

4-4 Ny mpanatrika ny filan-kevitra ny sokajy.:

- Ny mpiandraikitra tompon-toerana, ny mpanampy, ny mpampilalao
- Ny lohan-tsokajy sy ny solon-dohan-tsokajy.
- Mpikambana nantsoina hanatrika izany manokana.
- Olona nantsoina manokana hitondra fanofanana na fanazavana lohahevitra iray.

4-5 Ny andraikitra ny mpikambana ao amin'ny filan-kevitra ny antoko.

Ny mpiandraikitra tompon-toerana : Izy no mitarika ny fivoriana ka manome anjara fitenenana ny tsirairay. Ary mitsipaka (droit de veto) ireo hevitra hita fa mivaona amin'ny tanjon'ny skotisma maneran-tany sy ny zava-kendren'ny Mpanazava sy Tily eto Madagasikara. Tsy amim-patezerana anefa ny fomba fanehoan'ny heviny fa ao anaty fanajana ny hevitra hafa ary ao anaty fanazavana mari-pototra mba tsy handratra ny hambompon'ny hafa ka mety hiteraka ratra anaty.

Ny mpiandraikitra mpanampy sy mpampilalao : Izy ireo dia mitana ny andraikitra ny mpanolon-tsaina na mpanolon-kevitra

Ny lohan-tsokajy sy ny Solon-dohan-tsokajy : Mitondra ireo volavolan-kevitra avy any amin'ny filan-kevitra ny sokajy. Manolotra ireo boaikely tokony ho tolirana ambaratonga na talenta ary mitondra fanazavana amin'ny ezaka efa vitan'ilay boaikely. Mitondra ihany koa ireo olona hita fa nandika ny fitsipika hifampifehezana ka mety hiteraka korontana ho an'ny antoko iray manontolo na fiangonana.

Ny mpitantsoatra : Amin'ny ankapobean'ny dia saika ny mpiandraikitra mpanampy na mpampilalao no mitana izany andraikitra izany nefa tsara indrindra raha toa ny Lohan-tsokajy no atao mpitantsoatra. Ny fizotran'ny fivoriana sy ny fanapahan-kevitra noraisina no raketina an-tsoratra.

4-6 Ny asan'ny mpikambana ao amin'ny filan-kevitra ny antoko

Raha toa ka mpikambana tao anaty sokajy no entina ao anaty filan-kevitra ny antoko dia tsy maintsy efa nampafantarina mialoha izy ary miaraka amin'ny lohan-tsokajiny. Malalaka ny fandraisana anjara fitenenana nefa izany dia ao anaty fifanajana tanteraka. Ny tsy famelana ny mpikambana haneho ny heviny na tsy fihainoana izay lazaina dia mety hiteraka fikomiana ho azy na ho an'ny sokajiny. Ny mpanatrika ny filan-kevitra ny antoko dia tsy maintsy manao fanamiana. Tsy tokony hisy teny enti-mampitahotra ireo mpikambana tonga hanatrika ny filan-kevitra ny antoko; ohatra mpikambana zazavao hanao fanekena. Samy miezaka ny tsirairay ary miezaka manakatra zavatra manjo ny tsirairay sy ny manahirana azy. Ezahina mandrakariva ny tsy hisian'ny fifandirana na famoahana teny tsy voahevitra ka mety miteraka fanafitohinana ho an'ny hafa.

4-7 Ny fizotrany :

Atomboka amin'ny hira sapaoritra
Atao ny hiaka sy ny hiran'ny FKA
Atao ny fanompoam-pivavahana
Manao teny fiarahabana ny mpitarika ary milaza ny laha-dinika
Maheno ny fanehoan-keviny mpanatrika
Mitarika fanofananana ny mpiandraikitra
Samihafa
Faranana amin'ny hira sapaoritra

Atao ny fanompoam-pivavahana famaranana.

Hiran'ny FKA

Tompo tia ô mihainoa
Izao fivavakay mitalaho
Ny fanahinay hamasino
Ho tonga namanao

Tompo tia ô mijere
Ieto zanakoa marobe
Ny Fanahinao mamonje
Anay mpanomponao



5- FILAN-KEVITRY NY SOKAJY

Anisan'ny motera iray mampandeha ny raharahan-tsokajy ny filankevitry ny sokajy. Eto anefa dia tsara ihany ny manavaka ny atao hoe filan-kevitra ny sokajy (conseil de patrouille) sy ny fivorian-tsokajy (réunion de patrouille). Raha hazavaina tsotsotra dia izao : ny filan-kevitra ny sokajy dia resaka sy dinidinika no atao. Ny fivorian-tsokajy kosa dia asa tonga dia vavany no atao ao ka hanatanteraha ireo sahanasan'ny sokajy. Ao anatin'ny filan-kevitra ny sokajy no andaminana ny olana sy ny raharaham-bolan'ny sokajy. Ny zavatra rehetra notapahana tao anaty filan-kevitra ny sokajy dia tokony ho voarakitra ao anaty kahien-tsokajy. Manana andraikitra lehibe noho izany ny lohan-tsokajy amin'ny fanaraha-maso ny fanatanterahana ny zavatra notinapaka

Ny filan-kevitra ny sokajy dia ialohavan'ny fanomanana izay ataon'ny lohan-tsokajy sy ny solon-dohan-tsokajy ary indraindray dia maka hevitra amin'ny mpiray sokajy izay hitany fa anisan'ny mendrika. Dia izy ireo no manapaka ny lohahevitra ho dinihina mandritra ny filan-kevitra ny sokajy ary mandrakitra izany ao anatin'ny kahien-tsokajy.

Tsy maintsy hilazana mialoha ny mpiray sokajy rehetra vita fanekena mialoha ny fivoriana. Ary raha misy lohahevitra tian'ny mpiray sokajy ho dinihina dia tsy maintsy resahiny amin'ny lohan-tsokajy mba hahafahana manomana ny fivoriana.



Mazava ho azy fa tsy maintsy ny lohan-tsokajy no mitarika ny filan-kevitra ny sokajy. Azon'ny solon-dohan-tsokajy atao anefa ny mitarika ny filan-kevitra ny sokajy rehefa nahazo alalana tamin'ny lohan-tsokajy ka amin'izay dia tsy maintsy izay zavatra efa noman'izy ireo mialoha ihany no resahina. Manaraka tsara ny lahadinika ary miezaka manala izay resaka hita fa mivaona amin'ny lahadinika. Izany anefa tsy misaka ny fandraisana ireo hevi-baovao ka tokony ho dinihina amin'ny manaraka. Anjaran'ny lohan-tsokajy ny manome anjara fitenenana ny tsirairay ka mamela malalaka azy ireo haneho hevitra.

Mila mamadibadika ny lelany tsara ny lohan-tsokajy alohan'ny hamoahany fanapahan-kevitra. Raha maro ny mpiray sokajy manohana hevitra iray dia misy izany vitsy anisa mitsipaka ilay hevitra. Ny zava-kendrena dia ny mba ialana amin'ny tsangan-tanàna izay mety hiteraka fizarazana. Raha toa ka misy hevitra mety hampifanditra na mampifanolana dia tsara raha hahemotra amin'ny andro manaraka ny fandiniha ny lohahevitra. Azo antoka amin'izay fotoana izay fa mety ho hita ny vahaolana satria hoy ny ntaolo hoe "tanety lava misy fisainana" ka amin'ny andro manaraka efa samy tony ho hita ho azy ny vahaolana.

Azo dinihina ao anatin'ny filan-kevitra ny sokajy koa anefa ny mpikambana iray mety hiteraka korontana na fanelingelena be eo amin'ny fanatanterahana sahanasa na tetik'asan'ny sokajy. Marihina anefa fa tsy sazy ara-batana toy ny ramandady na mandoalika na fikasian-tanana no atao. Ohatra mifoka sigara ilay mpikambana hita fa mety hiteraka doron-tanety ny fangalarany mifoka sigara dia azo atao tsara ny manajanona azy tsy handeha fivoahana antsa miaraka amin'ny sokajy.

Ireto avy ny zavatra matetika dinihina amin'ny filan-kevitra ny sokajy :

Fitondran-tenan'ny sokajy ka tokony hiteraka famaizana

Fomba fanangonana ny latsak'emboky ny sokajy sy ny hampiasana azy

Fandinihana sy ny fifanarahana atao momba ny lasy na fivoahana an-tsaha

Fandraisana ireo mpikambana vaovao, fifidianana izay solon-dohan-tsokajy na ny lohan-tsokajy

Fandinihana ny fizahan-tany na asa soa hatao. Fiketrehana ny fety aman-danona ataon'ny sokajy na iraisan'ny amin'ny antoko

Tatitry ny sokajy

Ny tatitry ny asa vitan'ny tsirairay ao anaty sokajy dia tokony vita tatitra mazava ao anaty kahien-tsokajy ka atolony ny filan-kevitra ny antoko.

Mila manana kahie mirakitra ireo karazana sahanasa vitany ny sokajy. Misy ireo teknika fampiasa, ny lalao, ny hira, misy sary.

Ny zavatra rehetra nodihina tamin'ny filan-kevitra ny sokajy dia azo dinihina amin'ny filan-kevitra ny antoko saingy tsy maintsy omena ny mpiandraikitra mialoha mba hahafahany mandamina sy manomana ny fivoriana. Tsara raha mivory isaky ny herinandro ny filan-kevitra ny antoko mba hahafahana mandray ireo tatitry ny sokajy

Ny fiofanana tsara sy azo raisina vokatry ny fanaovana ny filan-kevitra ny sokajy dia fandraisany boaikely anjara amin'ny fampandrosoana ny tenany, ny sokajy ka hahafahana maneho hevitra ankalalahana ary izany dia hahatonga azy ho toy ireo olona manana ny maha izy na toy ireo olona mpandraharaha ireny.

Iza?

Ny mpiray sokajy rehefa vita fanekena

Aiza?

Ao amin'ny toeram-pivoriana

Any an-dasy

Eo anivon'ny natiora

Any an-tanan'ny iray ao anatin'ny sokajy

Rahoviana?

Ara-potoana : Isaky ny tapa-bolana. Ny sokajy izay tsy dia manana zavatra ho resahina dia tsy manan-javatra be atao, tsy manana sahanasa be atao, ary tsy ampy ny fanahin-tsokajy ao aminy.

Tsy ara-potoana : isaky ny misy zavatra tsy maintsy ho dinihina manokana

Isaky ny tapitra ny fivoriana-tsokajy na antoko na fivoahana an-tsaha

Ahoana?

Avy amin'ny fiantsoan'ny lohan-tsokajy

Efa voalamin'ny mialoha ny lahadinika rehetra ary ny mpiray sokajy dia efa samy nandefa ny soson-kevitra ho dinihina


Ny lohan-tsokajy no mitarika ny fivoriana




Teny ierana ny fitantana ny sokajy. Tokony hanjaka ny fifanakalozan-kevitra fa izany no antoka iray hampirindra ny asa tanterahina eo anivon'ny sokajy.

6- FIVORIAN-TSOKAJY (ASABOTSY IRAY)**VONTOATINY : MORSA**

ORA	SAHAN'ASA	TOMPON' ANDRAIKITRA
2.30	Fifamorianana : hikan-tsokajy + hira hira sapaoritra : indreto vonona vaovao samihafa Fanompoam-pivavahana	L.S.
2.45	Fijerena ny fahadiovan'ny mpikambana : vatana, fanamiana ...	LS sy ny SLS
2.50	Hira : Sambosa mafana arahina fihetsika: Manao fihetsika ny LS ka izay fihetsika ataony no hirain'ny mpiray sokajy	L.S
3.00	Lalao : Mitsoka litera morsa @ sifile ny SLS ny mpiray sokajy kosa manoratra tsipika na teboka amin'ny kahieny na taratasy., Tsy jerena aloha ny dikany fa izay mahamarina tsy misy diso no maharesy	SLS
3.10	Lalao : Rehefa vita ilay lalao tetsy ambony, ka miara-milalao ny rehetra. Misesy manisy dikany ilay tsipika sy teboka, ohatra Dia manisy soratra A ilay boaikely. Raha tsy hay kosa dia miteny izy hoe « Afa-po » tsy tenina akory ilay valiny fa izay efa voatondro ho an'ny manaraka ihany no teneniny.	L.S
3.45	Ambaratonga sy talenta : Abidy maorsa Lalao : Mitady ohabolana momba ny rano ny mpampilalao ka avadika ho abidy maorsa izany avy eo (Ohatra :Ny mamba ny mandoto rano ka ny amalona no tsy mahita rano hosotroina)	Zo (Mpikatroka)
4.00	Hira : Rainay any an-danitra any	Petera (Mpikatroka)
4.15	Teny indraim-bava avy amin'ny LS : Manome toro-marika ho an'ny mpiray sokajy ny zavatra tokony ho hainy. Manomana ny fivoriana manaraka	LS
4.25	Famaranana : Hikan-tsokajy + hira Hira sapaoritra : Ho tiavinay mandrakizay Hafatra Fanompoam-pivavahana.	LS

7- FANAMIANA



HAVANANA	HAVIA
Ravinala : Apetaka amin'ny paosy ho an'izay vita fanekena 	Feur de lys na BMS : apetaka amin'ny paosy raha vao mahazo fanamiana. 
Tily Eto Madagasikara (TEM) : eo amin'ny soroka miala 3cm avy any ambony na fanondro telo, azo apetaka raha vao miditra ho mpikambana 	Ambaratonga rehetra : - Apetaka eo amin'ny tanan'akanjo havia
Talenta : - Boribory mavo amin'ny ankapobeny ary misy ny sarin'ireo talenta - Apetaka eo amin'ny tanan'akanjo ambanin'ny TEM	Mariky ny andraikitra : - LS : <i>Ruban</i> fotsy roa mirefy 1 cm ny sakany - Apetaka eo amin'ny paosy havia manaraka ny sisim-paosy - SLS : <i>Ruban</i> fotsy iray mirefy 1 cm ny sakany eo amin'ny paosy havia afovoany, mitovy amin'ny paosy ny halavany
	Rebareba - Lamba kely mirefy 1 cm ny sakany ary 20 cm miforitra roa ny halavany. - Ny lokony dia mitovy amin'ny lokon'ny faneva ny ivelany ary ny sisiny ny anatin'ny - Apetaka eo amin'ny epôlety ankavian'ny fanamiana.


8- FANAZARAN-TENA

ARAHABA TILY

Fifandraisan-tànana amin'ny tànana ankavia :

Anisan'ny mampiavaka ny skoto dia fiarahabany amin'ny tanany hankavia. Mitambatra ny rantsan-tanana telo afovoany ary miditra amin'ny eo anelanelan'ny ankihikely sy ankihiben'ny arahabaina. Natao tamin'ny tanana ankavia satria ankaikin'ny fo.

Fomba firahabana skoto




Ara-tantara dia tamin'ny Baden Powell nanao fampandrian-tany taty Afrika, dia nisy lehibe ana foko Ashanti nanolotra azy ny tanana ankavia. Izany dia mariky ny fitokisana sy fanehoana fa mehery fo. Ny tanana havia manko no mandray anjara betseka amin'ny fitazonana ny ampinga. Ankehitriny ny fifandraisana amin'ny tanana ankavia dia vavolombelon'ny fifampitokisana sy ny firahalahiana misy eo amin'ny skoto eran-tany. Hoy BP hoe :” *Si un étranger vous fait le signe scout, rendez-lui tout de suite son salut et tendez-lui la main gauche*”

Ny “Salut scout”

Hatao amin'ny tànana ankavanana ka ny ankihibe manindry ny ankihikely izay midika hoe ny lehibe miaro ny kely ary ny kely manoa ny lehibe. Ny rantsan-tànana ambiny kosa mahitsy manondro ny lanitra. Ny rantsana telo dia mampatsiahy ny andalana telo amin'ny fanekena.

Hoy I BP hoe « *Quand un scout rencontre quelqu'un, camarade ou étranger, pour la première fois dans la journée, il le salue d'un demi-salut. Il salue toujours par un salut complet: un chef de patrouille, un chef ou un officier de l'armée de son pays. Il salue de même le drapeau ou le chant national, et les convois funèbres.*

(...) *Ces saluts ne se font que quand le scout n'a pas son bâton.* »



NY LALANA SY FANEKENA

Ny firotsahana ho isan'ny mpikambana ho skoto maneran-tany dia ny fanaovana fanekena. Ao anatin'izany dia misy fitsipika moraly izay antsoina hoe lalàna skoto. Na inona na inona fombafomba sy teny enti-manonona ny fanekena dia zavatra telo no tena ifotorany dia ny adidy amin'Andriamanitra, adidy amin'ny hafa, adidy amin'ny tena. Tsy misy fanerena ny olona hanao fanekena na amin'ny fomba ankolaka na mivantana. Tahaka ny tsy fisiana'ny fanerena ny olona hiditra ho skoto. Ny lalàna skoto dia tsy misy endrika fandrarana na fanasaziana . **Tsy misy mihitsy skoto azo saziana noho ny tsy fahatanterahany ny andalana lalàna skoto iray.** Ny lalàna sy fanekena dia miova araka ny sampana sy fikambanana. Loharano iray ihany no nanovozana azy rehetra dia izay efa nataon'i B.P hatrany amboalohany.

Fanekena Tily :

Eo anatrehan'Andriamanitra sy ny olona ary noho ny fahasoavan'i Jesoa Kristy tompo'ny Fiangonana no anekeko amin'izao ilatsahako ho Tily eto Madagasikara izao, fa :

- hanompo an'Andriamanitra,
- hiasa ho an'ny Tanindrazana sy ny namana,
- hanoa ny Lalàna'ny Tily.

Lalàna Tily
















- 1- Toka-teny ny Tily
- 2- Mahatoky ny Tily
- 3- Vonona hanasoa namana ny Tily
- 4- Havan'ny olona rehetra ary mpirahalany daholo ny Tily
- 5- Manaja olona ny Tily
- 6- Antra biby sy tia zava-maniry ny Tily
- 7- Mpankato ny Tily
- 8- Mihira sy mitsiky ny Tily raha sendra ny sarotra
- 9- Sahy, mahery fo, maharitra amin'ny asany ny Tily
- 10- Madio tena, eritreritra, fiteny, fihetsika ny Tily.

Ny hiran'ny Fanekena atao dia: *"Eo anatrehanao ry Ray"*.

- | | | |
|--------------------------|-----------------------|---------------------|
| 1- Eo anatrehanao ry Ray | 2- Ho tia ny fireneko | 4- Ireo lalàna folo |
| No ekeko izao | No ekeko izao | Ho toviko |
| Hanompo Anao mandrakizay | Ny antsony dia reko | Izaho no hijoro |
| Dia ho Anao | Miantso izao | Tsy laviko |

- | | |
|---------------------|------------------------|
| Ref : | 3- Fitiavana ny namana |
| Ny tena sy ny saina | No ekeko izao; |
| Sy ny fanahy | Na ory na manana |
| Hibanjina ilay aina | Mitovy izao |
| Fa lehilahy | |

MARI-DALANA

	LALANA ALEHA
	MIHODINA ANKAVIA
	MIHODINA ANKAVANANA
	MISARAN-DALANA ISIKA IZAO, 2 MIANKAVIA, 3 MIANKAVANANA
	LOZA
	FANDRIAMPAHALEMANA
	FAHAVALO
	HAFATRA MIAFIANA AFAKA 4 DINGANA
	LALANA TSY AZO ALEHA
	RANO AZO SOTROINA
	RANO TSY AZO SOTROINA
	LALAN-TSAROTRA TSY MAINTSY DIAVINA
	ANDRASO ETO
	MANONDRO NY TOERANA HILASIANA
	TAPITRA NY LALANA

MAMPIFANARAKA SARY SY SORATRA

Fitaovana : mari-dalana sy hety

Isan'ny mpilalao : Mihoatra ny 2

Atao *photocopie* ny sary mari-dalana eo ambony. Tetehina avy eo ka sarahina ny teny sy ny soratra. Aparitaka amin'ny toerana iray ny sary sy ny soratra ka ny mpilalao no mampifanaraka ny teny sy ny soratra. Omena 1 minitra izy hahafahana mandamina azy.

MANARA-DALANA

Fitaovana : Tsaoka (craie), taratasy, penina

Isan'ny mpilalao : ekipa 2

Ekipa roa ka ny ekipa voalohany no miainga. Soratany amin'ny tany mari-dalana ny lalàna diaviny sady raisiny milahatra ao anaty taratasy (asiana nomerao). Rehefa afaka fahefatr'adiny (15 minitra) dia mianga indray ny ekipa faharoa manaraka azy. Raisiny ao anatin'ny taratasiny ny mari-dalana sady asiana laharana no apetrany eo anilany ny valiny marina. Mahazo isa isaky ny valiny marina. Rehefa tonga any amin'ny toerana misy ny ekipa voalohany ny ekipa faharoa dia mifamadika indray ka ny ekipa faharoa indray no miainga voalohany. Dia mitovy amin'ny teo aloha ihany ny fomba filalao.

1- Noeuds d'arrêt

Noeud simple

(Vona tsotra)




Noeud en huit

(Vona valo)



Noeud de Capucin

(Vonany ny Kapiosina)




Noeud de mousqueton

(Vona basy fohy)




Noeud de pêcheur

(Vonany ny mpanjono)



Noeud de Franciscain


(Vonany ny Fransikana)




2- Noeuds de jonction

Noeud plat

(Vona fisaka)




Noeud de carrick




Noeud de cabestan double

(Vonany ny mpiandakana roa sosona)





(Vonan'ny mpanjono roa sosona)




Noeud de tisserand

(Vonan'ny mpanenona)



Noeud de tirant




Noeud de chaise

(Vonan-tseza)

3- Noeuds d'amarrage



Noeud de cabestan

(Vonan'ny mpiandakana)




Noeud de cabestan gansé

(Vonan'ny mpiandakana
voahaingo)



*Noeud de chaise
double*

(Vonan-tseza roa sosona)



MORSA SY VONA

Fitaovana : tady lava iray isaky ny mpilalao

Isan'ny mpilalao : Mihoatra ny 1

Asaina mitady teny iray tsy mihoatra ny litera 6 ny mpilalao tsirairay. Omena azy ny tady, atao ny kaody amin'ny tady ny teny hitany. Vona tsotra = Teboka ary vona valo = tsipika. Rehefa samy mahavita dia ampifamadihana indray ny tady ka omena ny valin'ny mpilalao mpifanandrina izay mahita ny valiny voalohany no mahazo isa.

ISE MANAO VONA IZAHO MIHODINA

Fitaovana : tady iray

Isan'ny mpilalao : mihoatra ny efatra

Mipetraka manao faribolana ny mpilalao ny mpilalao rehetra afatsy ny iray izay eo afovoany mitazona ny tady. Atsipin'ilay mpilalao amin' izay tiany ny tady sady miteny anarana vona iray izy. Avy eo izy mitsambika mihodina ny mpilalao rehetra. Rehefa tafaverina eo amin'ny toeran'ilay nanao vona izy ka hita fa vita tsara ilay vona dia mifamadika tamin'ilay mpilalao teo afovoany.

MAMPIAKATRA EO AMBARAVARANKELY

Fitaovana : Tady mahazaka

Isan'ny mpilalao : 4 isaky ny ekipa fara fahakeliny

Toerana : Trano ambony rihina tokony tsy hihoatra ny 4 m na hady

Manao seza roa sosona amin'ny tady mahazaka. Heverina toy ny olona latsaka anaty fantsaka ilay mpilalao ka hampandrina eo ambony tady (jereo ny sary). Rehefa izany dia sitonina miakatra any ambony ilay mpilalao.



NY TANTARAN'NY MORSE

Teran-tany amerikana antsoina hoe SAMUEL MORSE no namorona ny Morse. Izy velona teo tamin'ny taona 1791-1872

Mpanao hoso-doko izy sady fizisiana .Izy ihany koa no nanamboatra ilay fitaovana fandefasan ilay morse.TELEGRAPHE no anaran'io fitaovana io

Dia izao koa , misy biby antsoina hoe MORSE . Biby miteraka izy io Any amin'ny ranomasimben'ny ATLANTIKA avaratra no feno azy ireo

Araka ny hafatr'i Baden Powell dia ilaina mahafehy ny morse ny skoto satria ilaina foana izany na aiza na aiza .Nandritra ny ady tao Mafeking ,dia anisan'ny nanampy an'i B.P ny fahaizan'ireo boaikely morse

Tadidio fa fomba fifandraisana efa ela (taonjato faha-18)ny morse . Notakian'i B.P ny ahaizana izany ho an'ireo skoto niaina tamin'io vanimpotoana io .

Raha heverina dia toy ny finday sy *Internet* amin'izao fotoana izao io morse io tamin'izany .

Fantaro manomboka izao fa tsy isika Skoto no tompon'ny morse fa teknika ilaina hay izy io dia avy B.P nampiditra azy ho anisan'ireo taranja teknika nampianarina ny skoto .Koa mamporisika ny Lohan-tsokajy ampahalala teknikam-pifandraisana hafa ankoatra ny morse :mianatra mikirakira telephone , mampiasa email...Ise io no skoto amin'izao fotoana izao .

Fehezo ny morse tamin'ny andron'i B.P ary ianaro koa ny « morse ankehitriny » , dia , ireo internet sy finday ary fitaovam-pifaneraserana samihafa izany .

MORSE


E •	T ■
I • •	M ■ ■
S • • •	O ■ ■ ■
H • • • •	CH ■ ■ ■ ■
A • ■	N ■ •
U • • ■	D ■ • •
V • • • ■	B ■ • • •
W • ■ ■	G ■ ■ •
F • • ■ •	L • ■ • •
Q ■ ■ • ■	Y ■ • ■ ■
K ■ • ■	R • ■ •
X ■ • • ■	P • ■ ■ •
È,É na Ê • • ■ •	
C ■ • ■ •	J • ■ ■ ■
Z ■ ■ • •	

DOMY MORSA

Fitaovana : taratasy matevina, marker, hety

Ity lalao ity dia afaka sady manao karazana asan-tànana kely ho an'ny ankizy no milalao.

Didiana ilay taratasy ka tokony ho 3 sm ny sakany ary 6 sm ny halavany. Atao 26 isa. Rehefa vita izany dia asina tsipika manasaraka azy avy eo afovoany. Litera môrsa ny iray, ary litera tsotra ny ilany. Toy izao izy rehefa vita.



Azo atao tsara ny milalao ity isaky ny ekipa na milalao tsirairay arakaraky ny habetsahan'ny mpilalao.

MORSA MIOVA SORATRA

Azo atao tsara ny mamadika ny môrsa ho litera ka ny zana-tsoratra dia maneho ny teboka, ny renin-tsoratra kosa maneho ny tsipika. Raha toa tsy mahita teny mety azo ilazana ilay kôdy môrsa dia azo atao ny manisy fonon-teny ilay litera ho tsinontsinoavina

Ohatra :

A = ah

B = voay

W = amp(y)

MORSA SY SARY

Fitaovana : taratasy sy penisilihazo

Manendry solon-tena iray izay mahay môrsa tsara ny ekipa. Lasa manantona ny mpampilalao io solon-tena io ka omeny anaran-javatra amin'ny alalan'ny môrsa, na tsofiny amin'ny kiriorioka na asehony amin'ny taratasy. Rehefa mahavaha izany anaran-javatra izany ilay solon-tena dia mihazakazaka amin'ny mpiray ekipa aminy ary miteny ilay anaran-javatra. Avy eo dia miverina eny amin'ilay mpampilalao. Mandritra izany dia manao ny sarin'ilay zavatra ny mpiray ekipa.

VAVAKY NY TILY

Ry Andriamanitra ô, Raiko any andanitra Ianao :

Mahatsiaro ny tenako ho kely aho ka mivavaka Aminao.

Omeo hery aho mba ho tonga zazalahy salama, matanjaka,
sahy maharitra sy marina.

Tohano aho mba hahay manoa ny lalàna sy manatanteraka
ny faneken'ny Tily

Tolory ny Fanahinao Masina aho dia ho tonga zazalahy
tsara fanahy, madio fo sy mazava saina ka ho faly
mandrakariva

Ampio aho hahavita Asa soa isan'andro sy hahay manompo
Anao


Noho ny fitiavan'ny 'i Jesosy Mpamonjiko.

Mamelà ny fahadisoako rehetra.


Mivavaka izany aho amin'ny alalan'i Jesosy Kristy Zokiko
sy Mpitarika ahy

Amena


VONJY VOINA




FAMONOSANA LOHA AMIN'NY FOLARA




FAMONOSANA KIHON-TONGOTRA AMIN'NY FOLARA






FAMONOSANA SOROKA AMIN'NY FOLARA



FAMONOSANA FELAN-TANANA AMIN'NY FOLARA



FAMONOSANA TANANA AMIN'NY FOLARA



FAMONOSANA TRATRA AMIN'NY FOLARA

MIFANDIMBY MITONDRA MARATRA

Isan'ny mpilalao : Mpilalao 3 isaky ny ekipa(ka ekipa roa ka hatramin'ny 4)

Manao seza fitondrana marary ny mpilalao roa isaky ny ekipa. Izany hoe ny tanana havanana mihazona ny hatotanana havia, ary ny hatotanana havia mifampihazona amin'ny hatotanana havanan'ny mpiara-milalao. Avy eo ny mpilalao fahatelo mpiakatra eo ambonin'ilay seza vita tamin'ny tanàna.


Miainga eo amin'ny tsipika fiaingana ny ekipa mpifandrana rehefa avy manome baiko ny mpampilalao. Rehefa afaka 50 m dia midina eo amin'ny seza ny marary ary ny mpilalao faharoa indray no lasa marary. Rehefa afaka 50 m dia miova indray ny marary ka lasa ilay mpilalao fahatelo indray no lasa eo ambony seza ary mandraha-pahatonga any amin'ny farany.

MIFANDIMBY MITONDRA MARARY AMIN'NY FITONDRA-MARARY

Isan'ny mpilalao : Mpilalao 3 isaky ny ekipa(ka ekipa roa ka hatramin'ny 4)

Fitaovana : Tehin-tsokajy 2 isaky ny ekipa, lobaka fanamiana 2

Manamboatra fitondra-marary amin'ny lobaka fanamiana. Aforitra miditra any anatin'ny tanan'akanjo roa. Hampidirina manaraka ny tanan'akanjo ny tehin-tsokajy roa. Hampandriana eo amboniny ny mpilalao iray ary miainga ny ekipa mpifandrana. Rehefa afaka 50 m dia mifandimby indray ny marary izany hoe miova isaky ny 50 ny marary mandrampahatonga any amin'ny farany.



MIFANINANA BANDAGE

Isan'ny mpilalao : Ekipa 3 na 4 (mpilalao 2 isaky ny ekipa farafahakeliny)

Fitaovana : Folara

Manomana sary miaraka amin'ny soratra misy ny badage atao. Mielanelana tokony ho 30 m miala avy eo amin'ny mpampilalao ny mpilalao. Rehefa manome baiko ny mpampilalao dia mihazakazaka mankeny amin'ny mpampilalao ny mpilalao maka ilay taratasy kely misy sary. Avy eo dia miverina eny amin'ny ekipany manatanteraka ny sary hitany. Dia entiny miverina eny amin'ny mpampilalao ilay mpilalao nanaovana ny fampiharana mba hotsaraina. Raha mifanaraka amin'ny zavatra takiana dia mahazo isa 1 ny ekipa. Rehefa izany dia manome sary vaovao indray ny mpampilalao ka ilay mbola tsy nanao fampiharana no manao izany. Dia entiny aseho amin'ny mpampilalao indray ny olona nanaovany fampiharana. Dia toy izay hatrany hatrany. Rehefa tapitra ny taratasy dia tapitra ihany koa ny lalao ka izay navita betsaka indrindra sy nahamarina be indrindra no maharesy.

BANDAGE ARY MITSAMBIKINA

Isan'ny mpilalao : tsy voafetra

Fitaovana : folara

Mipetraka manao faribolana ny mpilalao rehetra. Ny iray izay mitazona folara kosa no eo afovoany. Hatsipin'ilay mpilalao eo afovoany amin'ny mpilalao tiany ny folara sady miteny faritra iray eo amin'ny vatana izy (loha, tongotra, tanana, kiho, lohalika) sady lasa mihodina mitsambikina amin'ny mpilalao mipetraka eo amin'ny faribona izy no mihazona ny faritra

noteniny. Ilay mpilalao nandray ny folara kosa manao *bandage* amin'ny mpilalao eo ankilany. Rehefa tafaverina eo amin'ilay mpilalao nanao ny *bandage* izy dia mifandika indray ny toerany ka ilay nanao *bandage* indray lasa eo afovoany dia mitohy hatrany hatrany.

SERY

Mihevoka kininim-potsy sy solila arotsaka anaty rano mangatsiaka dia ampangotrahina ka ny entona no ilaina

KOHAKA

Apetraho eo amin'ny tratra na amin'ny lamosina ny kataplasma. Vary, na mangahazo na katsaka masaka marihitra nofonosina amin'ny tapa-damba atao hoe kataplasma.

MIVALANA

Omena rano "iray sy valo"(rano avy nampangotrahina 1ℓ + sira 1 sotrokely + siramamy 8 sotrokely), na ranombary marihitra : maka vary eran'ny tanan'ila, andrahoina amin'ny rano ½ litatra, tanehina mandritra ny 15 na 20 minitra, tatavanina, asiana sira indray mitsingina, sotroina mafana

Omena ranon-karaoty efa notenehina, ravin-goavy notenehina no sotroina.

RATRA TSOTRA

Sasana amin'ny rano maty (rano nampangotrahana ary navela hangatsiaka) sy savony ny faritra maratra.

Diovina aloha ny ratra izay vao ny manodidina ny faritra maratra. Raha mifanotra amin'izay no atao dia ny mikraoba ety ivelan'ny ratra indray no miditra ao anatin'ny.

SORATRA MASINA

MIARA-MANDINIKA SORATRA MASINA

Fitaovana : Taratasy henjana misy anarana hoe MATIO – MARKA – LIOKA – JAONA ka hatao roa avy.

Mpilalao : 2 isaky ny ekipa

Asaina mijoro mifanome lamosina ny mpilalao roa. Ary omena ireo taratasy misy ny anaran'ny mpianatry ny Tompo.

Efa manomana teny avy amin'ny VAOVAO MAHAFALY norosratan'ireo apostoly ireo ny mpampilalao. Tokony ho 10 eo ho eo. Rehefa vita ny teny iray dia miteny ny mpampilalao hoe «*Filazantsaran'iza izay?* ». Samy manangana izany heveriny ho marina ny mpilalao ka raha miara-mahamarina dia mahazo tenin'Andrimanitra iray ny ekipa Raha marina ny iray nefa diso ny iray dia tsy mahazo. Raha miara-mandiso dia tsy mahazo ihany koa.

TENIN'ANDRIMANITRA LATSAKA ANATY FATSAKANA

Fitaovana : Baolina ping pong, Tavoahangy plasitka 1,5 l notapahina. Sotro iray avy isan'olona, *Seau* misy rano 1.

Mpilalao : Ekipa

Hazavaina fa latsaka ao anaty rano lalina ilay tenin'Andriamanitra. Ka atao ao anatin'ilay tavoahangy plastika ny baolina ping pong. Ary apetraka eo amin'ny 20 dingana miala avy ny seau misy ny rano. Ka alaina amin'ny sotro ny rano ao anatin'ny seau mba hahafahana mamoka ilay baolina ping pong. Tsy maintsy mandrana ity lalao ity dia mialoha ny ekipa mpampilalao mba hahafahana mandrefy ny fotoana tokony hahavitan'ny lalao. Avela hameno hatramin'ny farany ny ekipa fa raha mihoatra ny fe-potoana tokony hahavitany dia tsy mahazo ilay tenin'Andriamanitra ny ekipa.

VOATORY AMIN'NY TENY MARO SAMY Hafa NY VAOVAO MAHAFALY

Fitaovana : Stylo 1 avy isan'olona, taratasy kely iray avy isan'olona

Mpilalao : ny ekipa

Omena tenin'Andriamanitra iray ny ekipa. Ka asaina avadika ho hafatra miafina ilay tenin'Andriamanitra izay hoe atao amin'ny dikan-teny maro samihafa. Ka rehefa vita dia jerena raha efa nisy tamin'ny ekipa tany aloha. Izay hita fa tsy misy mitovy dia omena tenin'Andriamanitra iray ny ekipa. Marihina fa tsy tokony hisy hifakahita ny ekipa iray eo amin'ny fanoratana izany ho hafatra miafina izany . Ny mpampilalao no mandanjalanja ny faharetan'ny lalao. Ary tokony hazava tsara ny mety nahazoana izany.

CP ET SECOND

CP et second sont dans la tente,
 Ils préparent les prochaines activités pour la patrouille.
 Le second écoute son CP lui indiquer les grandes orientations
 Et le mettre au courant de ce qui s'est dégagé en CDC.
 Et puis commencent alors les projets.
 On parle de chacun, du moral des garçons.
 On mesure les possibilités de la patrouille.
 Et peu à peu un plan d'action s'établit,
 Où chacun aura un rôle primordial à jouer.

Ce sont deux amis qui s'apprécient fort.
 Le CP a confiance en son second
 A qui il délègue la réalisation des projets sur le terrain.
 Le second s'en remet au CP pour les décisions,
 Il sait qu'il lui faut du temps pour parler avec chacun,
 L'évaluer, l'aider, le conseiller ...
 Toujours prêts à prendre une part du travail avec chacun,
 Et toujours disponibles pour tous.
 C'est leur lot quotidien.
 Ils savent que leur rôle n'est pas facile,
 Mais cela les passionne.
 Surtout ils ont des armes imparables pour réussir,
 Et c'est en riant qu'ils en font bénéficier les autres :
 « Loyauté, confiance, amitié, sont les armes de la HP ! »

L'air passe dans la tente ouverte de deux côtés,
 Et tandis qu'ils discutent ensemble,
 Ils entendent les bruits du camp et de la forêt.
 Les oiseaux qui chantent, le bruissement des feuilles,
 Et les bruits bien familiers du marteau et de la hachette.
 Le camp vit, partout de scout s'affairent,
 La table sera prête ce soir, on pourra manger dessus.
 Un scout est parti chercher de l'eau,
 Le boute-en-train l'accompagne un bout de chemin,
 Jusqu'au coin des chefs où il doit prendre un livre de jeux,
 Pour la veillée de ce soir.
 Le cuisinier s'affaire autour de ses feux.
 Partout on rit, on chante, on siffle.
 CP et second ne sont pas dupes,
 Ils savent bien que c'est parce qu'ils sont unis
 Et qu'ils savent s'organiser que tout se passe ainsi ...
 Mais comme ils sont fiers de leur patrouille !

Et le CP de regarder son second en pensant :
 « Vraiment, sans lui, comme je serais un mauvais chef ! »
 Et le second de regarder son chef de patrouille :
 « Vraiment, qu'il est bon d'être son second ! »
 Ils éclatent de rire :
 Qu'il fait bon vivre dans la patrouille !
 Ce sont des amis.

ETRE SCOUT – Oliver Echasserieau

NY LOHARANA NANOVOZAN-KEVITRA

ECLAIREURS - Lord Baden-Powell – DÉLACHAUX ET NIESTLÉ

COMMENT DIRIGER UNE PATROUILLE S.M. 14e CAMBRIDGE

TRADUIT DE L'ANGLAIS par Jacques SÉVIN "ÉDITIONS SPES"

79, Rue de Gentilly, PARIS (XIIIe) - 1945 -

LA PATROUILLE AU CAMP DACHS Couverture de Pierre Joubert – Illustrations de Robert Gaulier – Edition ELOR 56350 ST VINCENT SUR OUST

LE MANUEL DU CHEF DE TROUPE Publié avec l'aide d'un don du FONDS SCOUT UNIVERSEL

LE BIVOUAC - Eclaireuses et Eclaireurs Unionistes de France

JEUX DE PLEIN AIR – Guide Marabout

ETRE SCOUT – Oliver Echasserieu – Librairie Arthème Fayard, 1993

KIJANA 2 – Ekipa Foibe Tily Maitso

SECOURISME ET PREMIERS SOINS – Michel de Blaes et Félix Miller - MEDIASPAUL

1- FAMPIDIRANA	2
2- NY LOHAN-TSOKAJY	3
2-1 NY MAHA-LOHAN-TSOKAJY NY LOHAN-TSOKAJY :	3
2-2 IREO TOETRA 10 FAKAN-TAHAKA HO AN'NY LS	4
2-3 NY TSIAMBARATELO 10 HO AN'NY LS.....	5
2-4 NY ANDRAIKITRY NY LS	5
3- NY FANAHIN-TSOKAJY	7
NY FANAHIN-TSOKAJY :	7
4- FKA (FILAN-KEVITRY NY ANTOKO).....	8
4-1 ARA-TANTARA.....	8
4-2 FOMBA FIASA :	8
4-3 NY ASA SY NY ANDRAIKINY (ROLES ET FONCTION) :	8
4-4 NY MPANATRIKA NY FILAN-KEVITRY NY SOKAJY.:	8
4-5 NY ANDRAIKITRY NY MPIKAMBANA AO AMIN'NY FILAN-KEVITRY NY ANTOKO.....	9
4-6 NY ASAN'NY MPIKAMBANA AO AMIN'NY FILAN-KEVITRY NY ANTOKO	9
4-7 NY FIZOTRANY :	9
5- FILAN-KEVITRY NY SOKAJY	11
6- FIVORIAN-TSOKAJY (ASABOTSY IRAY)	13
7- FANAMIANA	14
8- FANAZARAN-TENA.....	15
ARAHABA TILY	15
NY LALANA SY FANEKENA.....	16
MARI-DALANA	17
MAMPIFANARAKA SARY SY SORATRA.....	17
MANARA-DALANA.....	17
VONA	18
MORSA SY VONA	20
ISE MANAO VONA IZAHO MIHODINA	20
MAMPIAKATRA EO AMBARAVARANKELY.....	20
NY TANTARAN'NY MORSA	21
MORSA	21
DOMY MORSA.....	22
MORSA MIOVA SORATRA.....	22
MORSA SY SARY	22
VONJY VOINA	24
MIFANDIMBY MITONDRA MARATRA.....	26
MIFANDIMBY MITONDRA MARARY AMIN'NY FITONDRA-MARARY	26
MIFANINANA BANDAGE.....	26
BANDAGE ARY MITSAMBIKINA	26
SERY	27
KOHAKA	27
MIVALANA.....	27
RATRA TSOTRA	27
SORATRA MASINA.....	28
MIARA-MANDINIKA SORATRA MASINA	28
TENIN' ANDRIMANITRA LATSAKA ANATY FATSAKANA	28
VOATORY AMIN'NY TENY MARO SAMY Hafa NY VAOVAO MAHAFALY	28
CP ET SECOND	29
NY LOHARANA NANOVOZAN-KEVITRA.....	30